



Jumat, 24 Pebruari 2023

Ogen: Bilangen 14:8



NGENA ATE TUHAN



Ngena ate jadi sada gegeh si luar biasa man sekalak jelma. Kai pe banci ilakokenna man kalak singena atena, la saja mereken ras ncukupi secara kebutuhan jasmani ras rohani tapi pe ngukurken kerina simehuli dandangi ia. Ngena ate erbahanca megati lanai kita rukur secara logika, ntah kai pe ikataken kalak sideban kerna dirina, termaklumi kita. Bagi nina kuan-kuan orangtuata nai 'ngidah pelangkah babina pe' terakap siakap. Tedeh ate si erbahan merincuh jumpa katawari paksa pe. Ngena ate erbahan manusia ngasup berkorban arah dampar kai pe.

Bagenda me kata siisehken Musa man bangsa Israel sanga bas perdalanen ndarat i Mesir nari nuju ku Taneh Kanaan siipadanken Dibata man bana nai nari kin. Ibas perdalanen e la bagi siiarapken bangsa enda, erbage hal simpeturah jungut-jungut. Kerina pandangan, erpengakap kiniseran ngikutken dalam Dibata, madin akapna ringan i Mesir nai. Emaka sanga 12 mata-mata siisuruh nelidiki taneh situjuna e, la ka seri laporen siialoken Musa. Sepuluh kalak ngataken labo cocok ingan e tapi Josua ras Kalep pang ngataken maka taneh siisikapken Dibata man bana taneh si mehumur. Ibas situasi sibageme ikataken Musa maka 'adi ngena ate Dibata la banci lang ibabana ia kunegeri simehuli ras mehumur.

Bageme cara manusia ngidah erbage-bage kejadiin siinanamina ras ilebena. Lit kalak si pesimis ngidah kerina arah kiniseran tapi lit kalak sioptimis, semangat ngidah erbage simehuli iadepenna. Kerina enda banci ilakoken kalak s idem kiniteken ras pengarapen. Rikut iputusken sekalak pemimpin si bijak ibas ngaloken lapuren sinterem. 10 kalak banding 2 kalak tapi iidah Musa kebujueren ras semangat ibas sidua kalak e. Janah ibassura-sura ras singena ate Dibata. Aloken ras perjuangkan.

☞ Ayaki ras lakoken singena ate Dibata, nanami ulihna!